

Guangjisi Minzcu Bau

ganhhau: CN45-0036 B.2016 Nd.2 Ng.24 liggaeuq bingjsaen nienz ndwencieng cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3212期

Swcigih Minzveij(Cunghgyaugiz)、Minz- yijveij Hai 2016 Nienz Hoihyaeng Guhhong 自治区民委(宗教局)、民语委召开 2016 年工作务虚会

2 nyied 15 daengz 16 hauh, Swcigih Minzveij (Cunghgyaugiz)、Minzyijveij hai 2016 nienz hoihyaeng guhhong, faensik yenzgiu “cibsam haj” seizgeiz nem 2016 nienz hong minzcu, cunghgyau, vah saw minzcu bungzdaengz hingzseiq yinvu, naemjngeix maeuzsuenq ciengzdai moq baenzlawz doicaenh gak hangh hong, ra cinj gaemmaenh hong minzcu, cunghgyau, vah saw minzcu cungdenj caeuq diemjrongh, cam aeu yigen ndei, comzgiot dox rox, dungyiz siengjnaemj, cingcinj okrenz, vih “cibsam haj” seizgeiz nem hong 2016 nienz hainduj ndeindeq, anbaiz ndei.

Hoihyaeng youz Swcigih Minzveij、Minzyijveij dangcuj suhgi、cujyin Luz Yenbenj cujiz. Swcigih Minzveij(Cunghgyaugiz)、Minzyijveij lingjdauj cwngzyenz、gihgvanh gak cusiz cwng、fucucangj(cujyin), cizsuz gak danhvei lingjdauj banhsuj cwngzyenz nem Swcigih Minzveij (Cunghgyaugiz) daengxcungq ganbu camgya hai hoih.

Luz Yenbenj lwnh le gij cingsaenz gangjavah Swcigih Cwngfuj fucujiz Vangz Siyungj 2 nyied 14 hauh banhaet youq Minzveij (Cunghgyaugiz)、Minzyijveij diuyenz hoihnaengdamz gangj haenx. De aeu gij gangjavah Vangz Siyungj gyaebgyonj baenz “gouj miz”. De naeuz Vangz Siyungj fucujiz doiq gij hong Minzveij(Cunghgyaugiz)、Minzyijveij bi’gvaq guh baenz haenx hawj le cungfaen haengjdingh, haenh gij hong sam aen bumwnz bi’gvaq guh baenz haenx miz cauxmoq、miz diemjrongh、miz gunyen hungloet, ceijok dangq-naj hong minzcu、vah saw minzcu、



cunghgyau miz seizgei、miz deuq-nyex、miz yienghsiengq baihnaj ronghsag, gujli daihgya doiq gij hong bi moq aeu miz saenqsim、miz banhfap、aeu guh ndaej baenz. De ceijok bineix dwg “cibsam haj” hainduj bi daih’it, sam aen bumwnz hai hoihyaeng gig saedsaeh gig guhsaet, daihgya nyinhcaen gangjavah, nyinhcaen gaemmeg “cibsam haj” seizgeiz nem 2016 nienz hong minzcu、cunghgyau、vah saw minzcu, neix yaek doiq “cibsam haj” hong minzcu、cunghgyau、vah saw minzcu miz doidoengh cozyung gig ndei. De iugouz gak danhvei ciuq “sam dingh fueng’anq”, giethab saedsaeh guhhong diuzgen, caebcomz daengx rengz, mizyauq bae guh faenh hong bonjfaenh, youq guh ndei gak hangh hong giekdaej baihgwnz, haenqrenz gungganq daengx guk、daengx gih diemjrongh. Aeu ciuq 2016 nienz cujyau guhhong hangh-

moeg gaenq roxdingh haenx, gibseiz yenzgiu hengzguh fueng’anq, aeu gak hangh guhhong gaem caeux guh ndei.

Hai hoih seiz, gihgvanh gak cusiz、cizsuz gak danhvei cujyau bouxfucwz hopheux baenzlawz hagsib gvancez ndei gij cingsaenz gangjavah Vangz Siyungj 2 nyied 14 hauh banhaet youq Minzveij (Cunghgyaugiz)、Minzyijveij diuyenz hoihnaengdamz gangj haenx, guh ndei bonj danhvei(cusiz) “cibsam haj” nem 2016 nienz cujyau guhhong faenbied guh doxyau gangjavah, doiq baenzlawz guh ndei hong minzcu、vah saw minzcu daezok le yigen caeuq genyi. Veij lingjdauj cwngzyenz giethab hong faenguenj cug’aen guh le dapwngq、diemjbingz. Caemhcai daezok yigen caeuq iugouz guh ndei gak hangh hong.

(Cangh Bizfeih/张碧非 Moz Hungz/莫宏)

Cungzcoj Gvangjbo Dendaiz 《Sinhvwnz Vahcuengh》Ndaej Bingz Baenz 2015 Nienzdoh Guengjsae Gvangjbo Densi Lanzmoeg Maenhndei

崇左广播电台《壮语新闻》被评为 2015 年度广西广播电视优质栏目

Mboengqneix, Cungzcoj Gvangjbo Dendaiz 《Sinhvwnz Vahcuengh》ndaej daengz Swcigih Sinhvwnz Cuzbanj Gvangjdengiz bingz baenz 2015 nienzdoh Guengjsae gvangjbo densi lanzmoeg maenhndei.

Cungzcoj Gvangjbo Dendaiz 《Sinhvwnz Vahcuengh》lanzmoeg daj 2014 nienz 8 nyied 6 hauh haicuengq daeuj, giendingh yungh Vahcuengh Cungzcoj bonjdieg lwnh daengx si cwngci、ginghgi、vwnzva daengj gyoebhab sinhvwnz, yungh vah

doengsug dingq rox bangcoengh vunzlai Bouxcuengh gibseiz roxyiuj saehhong guekgva caeuq dangdieg seizsach sinhvwnz nem lajmbanj gohgi baenzfouq、hwnjguh lajmbanj moq daengj fuengmienh saenqsik, doiq senhconz cwngfuj haiguh gak hangh hong hwnjdaengz youqgaenj cozyung, ndaej daengz haujlai bouxdingq haengjgyaez. Dangqnaj, aen lanzmoeg neix gaenq cuengqok 385 geiz.

2015 nienz 3 nyied daengz 12 nyied, Swcigih Sinhvwnz Cuzbanj

Gvangjdengiz haiguh 2015 nienzdoh Guengjsae gvangjbo densi lanzmoeg maenhndei bingzsaemj, ginggvaq cujiz lauxhangz bingzsaemj doiq cezmuz guh doenghdaiq caekbingz nem gyoebhab bingzbeij ndwennaengz song baez haenx, Cungzcoj Gvangjbo Dendaiz 《Sinhvwnz Vahcuengh》ndaej bingz baenz 2015 nienzdoh Guengjsae gvangjbo densi lanzmoeg maenhndei, caemhcai ndaej ngaenzcienz bangcoengh.

(Dwng Haijcough/邓海周)

SIUSIK DINJ

简 讯

● Ndwencieng geizgan, Duh-anh Yauzcuz Swciyen gak yanghcin、segih、aenmbanj vunzlai laebdaeb yienj vwnzyi cezmuz ndei yawj. Ciuq cam rox, aen yienh neix gak yanghcin、segih、aenmbanj ndwencieng vwnzdij hozdung daj 1 nyied 20 hauh hainduj, daengz 2 nyied 23 hauh guhsat, daengz seizneix, daengx yienh gungh banh gak cungj vwnzyi yienjok 40 lai ciengzbaez.

(Vangz Bungzvanh)

● Gaenh geij bi neix daeuj, riengzdwk beksingq saedcej suijbingz daezsang, Lingzyinz Yen lajmbanj gak cuz vunzlai gag cujeiz doihfwen, leihyungh seizhoengq haeuj ranz haeuj mbanj, doxcaez hagsib demgya cingzngieih, fungfouq vunzlai vwnzva saedcej, ndaej daengz haujlai vunzlai haengjgyaez.

(Siuh Fazlingz)

● 2 nyied 19 hauh, Lungzswng Gak Cuz Swciyen banh “rumzein hengzdoengh” nem lajmbanj vunzhong rahong yienhciegz hoihciuvunz, 50 aen giyez doxcomz youq Lungzswng yienhsingz gvangjcanz, ciura vunzcaiz, yienhciegz gungh daezhawj ca mbouj geijlai 5000 aen gangjvei, baugvat gisuzgungh、gai doxgai、guenleix daengj hong, bangcoengh bouxguhong dauqma ranzmbanj haenx youq douranz couh ra ndaej hong guh.

(Veiz Gizyangz)

● 2 nyied 15 daengz 16 hauh, 2016 nienz Cungguk Myauzcuz ciet diuqbo youq Lungzlinz Gak Cuz Swciyen yienhsingz caeuq Dwngoz Cin banh. Hozdung neiyungz fungfouq lai cungj、ndei yawj raixcaix. Minzsuz gofoux baijyienj caeuq gai doxgai daengj, hawj gyoengq bouxyawj yawj dwk da cungj mbouj yaep.

(Dauz Dwzgvangh)

● 2 nyied 17 hauh, Swhyenzen youq Vwnzsinnh Gvangjdijgiz ranzhaihoih hai aen hoih naengdamz haicuengq Vahmyauz gvangjbo densi cezmuz, baez hoihnaengdamz neix gungh iucingj le aen yienh neix lauxhangz gak hangz saujsu minzcu gungh 25 boux camgya. Bouxcamgya hai hoih haenx youq hai hoih seiz gaenxmaenx vih Vahmyauz gvangjbo densi cezmuz haicuengq ok geiqmaez. Ciuq cam rox, Swhyenzen Yen Vahmyauz gvangjbo densi cezmuz yaek youq bineix 3 nyied haicuengq.

(Dangz Meijyungz Lij Bwnjyen)